



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Petro Compostellan. Archiepiscopo.

**urn:nbn:de:hbz:466:1-20006**



latur. Sanè sicut non debet hæretica pravitas tolerari, sic enervari non debet religiosa simplicitas; ne vel patientia nostra hæreticis audaciam subministret, vel simplices impatientia multa confundat, ut nobis disruptis convertantur in arcum perversum, & in hæreticos de simplicibus commutentur. Sanè significasti nobis per litteras tuas, frater Episcopo, quòd tam in diocesi quàm urbe Metensi &c. *ut supra usque ad verbum* in occulto. Quia verò in dubiis non est de facili sententia proferenda, cum quòd vel iidem errent in fide, vel à doctrina discrepent salutari, nobis per tuas litteras, frater Episcopo, non duxeris exprimendum, cum opinionem & vitam eorum penitus ignoremus qui sacras scripturas taliter transfulerunt, aut eorum qui docent taliter jam translatas, quorum neutrum potest fieri sine scientia litterarum, licet in his arguendi merito videantur quòd occulta conventicula celebrant, officium sibi &c. *usque ad verbum* non inhærent; discretionem vestram per apostolica scripta mandamus atque præcipimus quatenus eos commone diligentiùs studeatis, rationibus & exhortationibus innitentes, ut ab his in quibus apparent reprehensione notabiles, omnino desistant, nec officium sibi vendicent alienum. Inquiratis etiam sollicitè veritatem quis fuerit auctor translationis illius, quæ intentio transferentis, quæ fides utrentis, quæ causâ docendi, si sedem apostolicam & catholicam Ecclesiam venerentur; ut super his & aliis quæ necessaria sunt ad indagandam plenius veritatem per litteras vestras sufficienter instructi, quid statui debeat meliùs intelligere valeamus. Revocandi autem eos & convincendi secundum scripturas super his quæ reprehensibilia denotavimus, viam vobis in litteris, quas communiter illis dirigimus, aperimus. Datum Laterani IIII. Idus Iulij.

ARCHIEPISCOPO, DECANO,  
& Capitulo Compostellan.

**E**A quæ concordia vel iudicio &c. *usque ad verbum* assensu, ad exemplar felix recordationis Alexandri Papæ prædecessoris nostri concordiam quæ inter vos & Vu. Vicecomitem & G. filium ejus Vercellen. cives, super hospitali & Ecclesia sancti Iacobi de Cassina,

mediate venerabili fratre nostro Taurinen. Episcopo & dilecto filio Hard. Mediolan. Ecclesiæ Canonico facta dignoscitur, sicut de beneplacito utriusque partis stabilita est, & tuo, frater Archiepiscopo, subsequente assensu firmata, & hinc inde suscepta, & hætenus observata, auctoritate vobis apostolica confirmamus, & præsentis scripti pagina communimus. Statuentes ut sicut in authentico scripto ipsius transactionis habetur, post decessum prædicti G. & Iacobi fratris ejus, nullum jus sive foundationis seu advocacionis aut cujuslibet alterius rei quisquam de cognatione eorum in prædicta Ecclesiâ vel hospitali valeat vendicare, sed in potestate & regimine Compostellan. Ecclesiæ, sine injuria Vercellen. Episcopi, remaneant absolutè. Præterea refutationem quam super jure foundationis & advocacionis vel alterius cujuslibet rei, quod sibi quocunque modo competere videbatur, in præfata Ecclesiâ sive hospitali præfatus Vu. pro se & heredibus suis per instrumentum publicum spontaneè fecit, ratam decernimus permanere. Nulli ergo &c. confirmationis & constitutionis &c. Datum ut supra.

PETRO COMPOSTELLAN.  
Archiepiscopo.

**C**Um olim esses in felix recordationis Alexandri Papæ prædecessoris nostri præsentia constitutus cum Abbate de Anrealtaria, varias querelas contra eum priùs in præsentia quorundam Cardinalium, quibus causâ commissa fuerat audienda, & postmodum in ipsius auditorio proponebas, asserens quòd prædictum monasterium quoad jus patronatus tibi & Compostellan. Ecclesiæ subtrahere voluisset, alium ejusdem monasterij nominando patronum. Sed & ipse Abbas aliqua contra te ac fratres tuos se dicebat habere. Tandem cum ad compositionem per eundem prædecessorem nostrum moniti fuissetis, elegit ipse Abbas potius quæ ad pacem erant quàm disceptatione contendere, & coram eo publicè recognovit præscriptum monasterium Ecclesiæ Compostellan. diocesano simul & territorij jure subiectum, utpote quòd non solum in cœmiterio verum etiam in parietibus præscriptæ Ecclesiæ noscitur esse constructum, ut per Ecclesiam ad monasterium transitus line

Epist. 144.  
Ut Abbas & monasterium de Anrealtaria Compostellano Episcopo subiectum sit.

Epist. 143.  
Concordiam quorundam confirmat.



aliquo interstitio habeatur, & tu & fratres tui in processibus ad cœmeterium pertinentibus per claustrum monasterij transeatis. Interrogatus autem Abbas respondit in solo Ecclesiæ Compostellanæ, fundatum, eamque solam jus in eo patronatus habere. Ne igitur quod eidem Alexandro de confessione Abbatis in iudicio facta innotuit, ulterius in recidivæ contentionis scrupulum reducatur, idem monasterium, sicut Abbas recognovit, ad exemplar ejusdem prædecessoris nostri decernimus Ecclesiæ tuæ diocesano & territorij ac patronatus jure perpetuò subiacere, ipsamque tibi & Ecclesiæ tuæ auctoritate apostolica confirmamus. Nulli ergo &c. constitutionis & confirmationis &c. Datum Laterani VII. Idus Iulij.

PETRO COMPOSTELLAN.  
Archiepiscopo.

Epist. 145.  
Vt rusticos Legionenses Vota persolvere cogat.

Vide infra,  
epist. 146. 147.

**C**um sit regula juris, qua dicitur ut actor forum rei sequatur, preces ex parte tua nobis super hoc obtinendo porrectas libenter admittimus quod tam canonicæ quàm legali consonat æquitati; maximè cum id quod petis, in favorem beati Iacobi & Compostellanæ Ecclesiæ debeat adimpleri. Innotuit siquidem nobis quòd quidam laici rustici de regno illustri Regis Legionensis, super votis beato Iacobo persolvendis nolunt in præsentia ipsius Regis, qui ordinarius iudex eorum existit, quando conveniuntur, aliquatenus respondere. Vnde petitioni tuæ gratum præstando assensum, ad exemplar felicitis recordationis Celestini Papæ prædecessoris nostri, fraternitati tuæ præsentem pagina indulgemus ut tibi liceat rusticos ipsos, tanquam Votorum debitores, sub examine prædicti Regis, quandoquidem tibi aliàs eorundem Votorum solutio debita denegatur, super eisdem votis remoto cujuslibet appellationis vel contradictionis obstaculo convenire. Decernimus ergo &c. Datum Laterani III. Idus Iulij.

TOLETAN. ET BRACAREN.  
Archiepiscopis, & Suffraganeis eorum  
Orien. & Legionen. Episcopis.

Epist. 146.  
De eodem argomento,

**Q**uerelam venerabilis fratris nostri P. Archiepiscopi Compostellan. accepimus quòd ejus Ecclesiæ ad mandatum etiam apostolicum sæpius iteratum Vota beati Iacobi à parochianis ve-

stris non facitis, sicut debentur, exolvere. Quoniam igitur ad servanda jura præscriptæ Ecclesiæ non decet vos exiltere negligentes, fraternitati vestræ per apostolica scripta mandamus atque præcipimus quatenus memorato Archiepiscopo & Ecclesiæ suæ præscripta Vota à parochianis vestris, ut debentur, solvi de cetero faciatis. Alioquin venerabilibus fratribus nostris Zamorensi & Salamantini Episcopis datum noveritis in mandatis ut parochianos vestros ad Vota illa solvenda sublato appellationis obstaculo ecclesiastica districtione compellant. Vos itaque sententiam quam ijdem Episcopi vel eorum alter in eos propter hoc rationabiliter tulerint, usque ad dignam satisfactionem denuntiari faciatis, & inviolabiliter observetis. Datum Laterani II. Idus Iulij.

Scriptum est super hoc Zamorensi & Salamantini Episcopis.

MAGISTRIS ET FRATRIBVS  
Spatariis & Religiosis per Hispanias  
constitutis.

**A**d audientiam apostolatus nostri transmissa conquestione Ecclesiæ Compostellan. pervenit quòd cum per totam ferè Hispaniam auctoritate Principum & Prælatorum, favore etiam Cleri & populi Ecclesiæ beati Iacobi, ob reverentiam ipsius Apostoli, census quidam certus, qui Vota dicitur, de singulis partibus boum antiquitus fuerit constitutus, plerique vestrum de terris vestris & hominum vestrorum eundem censum præscriptæ Ecclesiæ pro sua tantum voluntate solvere contradicunt. Verum quia valde periculosum est quibuslibet aliena tenere, nedum viris religiosis, qui perfectionis amore propria dimiserunt, per apostolica vobis scripta mandamus quatenus censum ipsum, secundum quod antiquitus statutus est, eidem Ecclesiæ cum integritate solvatis. Ceterum si, quod non credimus, mandatum apostolicum in hac parte duxeritis contemnendum, noveritis nos venerabilibus fratribus nostris Salamantini & Zamorensi Episcopis mandavisse ut ad id per interdicti & excommunicationis sententiam, sublata appellationis difficultate, sicut visum fuerit, vos compellant. Datum Laterani VI. Idus Iulij.

Scriptum est super hoc eisdem Episcopis.

Epist. 147.  
Vt censum ecclesiæ Compostellanæ debitum solvant.

Vide supra,  
epist. 145. 146.  
& infra, epist.  
170.